

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренцијски савјет

MIŠLJENJE

po Zahtjevu Regulatorne agencije za komunikacije na „Nacrt Pravila o pružanju javnih mobilnih telefonskih usluga“

**Sarajevo,
maj, 2014. godine**



Broj: 01-26-7-07-1-I/14
Sarajevo, 29.5.2014. godine

Na osnovu člana 25. stav (2) Zakona o konkurenciji ("Službeni glasnik BiH", br. 48/05, 76/07 i 80/09), a po Zahtjevu za davanje mišljenje Regulatorne agencije za komunikacije BiH, Mehmeda Spahe 1, 71 000 Sarajevo, Konkurencijsko vijeće Bosne i Hercegovine je na 91. (devedesetprvoj) sjednici održanoj dana 29.5.2014. godine, donijelo

MIŠLJENJE

Nacrt Pravila o pružanju javnih mobilnih telefonskih usluga, usaglašen je sa odredbama Zakona o konkurenciji.

O b r a z l o ž e n j e

Regulatorna agencija za komunikacije Bosne i Hercegovine, Mehmeda Spahe 1, 71 000 Sarajevo (u daljem tekstu: RAK ili Podnosilac zahtjeva), je podnijela Konkurencijskom vijeću Bosne i Hercegovine (u daljem tekstu: Konkurencijsko vijeće) Zahtjev za davanje mišljenja (u daljem tekstu: Zahtjev), na Nacrt Pravila o pružanju javnih mobilnih telefonskih usluga (u daljem tekstu: Nacrt Pravila), zaprimljen dana 24.4.2014. godine, pod brojem: 01-26-7-07-1/I/14.

Nacrt Pravila o pružanju javnih mobilnih telefonskih usluga je pripremljen u skladu sa članom 8. Zakona o komunikacijama ("Službeni glasnik BiH", br. 31/3, 75/06, 32/10 i 98/12), kojim je definisano funkcionisanje i davanje telekomunikacijskih usluga, te data mogućnost RAK-u da donošenjem Pravila utvrđuje uslove, standard kvaliteta, rokove i procedure za pružanje telekomunikacijskih usluga. Nacrtom Pravila o pružanju javnih mobilnih telefonskih usluga su definisani uslovi za sticanje prava i osnovna pravila za pružanje javnih mobilnih telefonskih usluga u Bosni i Hercegovini.

Odredbe ovog Nacrta Pravila se primjenjuju na operatere virtuelne mobilne mreže (*MVNO*) i davaoce mobilnih usluga (*SP*), odnosno na pravna lica kojima je RAK dodijelio dozvolu za pružanje *GSM* usluga ili dozvolu za pružanje mobilnih usluga na univerzalnim mobilnim telekomunikacijskim sistemima (*UMTS*), osim u dijelovima kojima se određuje obaveza davanja pristupa mobilnim mrežama tih pravnih lica od strane pružaoca javnih mobilnih telefonskih usluga koji pravo na obavljanje djelatnosti steknu shodno odredbama ovog Nacrta Pravila.

Konkurencijsko vijeće je razmotrilo Nacrt Pravila i ocijenilo da isti ne sadrži odredbe koje mogu sprječavati, ograničavati ili narušavati tržišnu konkurenciju na relevantnom tržištu Bosne i Hercegovine, te je isti usaglašen sa Zakonom o konkurenciji.

U skladu sa naprijed navedenim, Konkurencijsko vijeće je odlučilo kao u dispozitivu.

Predsjednik

Gordan Raspudić